

夜雨秋燈錄

宣瘦梅著

第一冊

進步書局校印



夜雨秋燈錄目錄

卷一

青天白日

銀鴈

王大姑

雅賺

東鄰墓

吳孝子

卷二

龍梭三娘

迦陵配

劉子儀膏藥

忠魂入夢

奚大瘤

玉紅冊

一聲雷

應聲藍面鬼

卷三

桂林臬署三異

烈陽盡孝

父子神鎗

珊瑚

麻瘋女邱麗玉

卷四

佟河子

雪裏紅

鄒生艷遇

假五通神

郝騰蛟

續集目錄

卷一

卓二娘

丹青奇術

范小仙

郁線雲

樟柳神

古劍頭

喪事演劇

穀於菟

卷二

木孩童

癡蘭院主

沉香街

小癩子

稽聿歿為文信國公冥幕

丐癖

髮繡佛

卷三

大脚仙殺賊三快

南郭秀才

驢化為履

樹孔中小人

楠將軍

曇花記

博山兩賢婦

珠江花舫

卷四

金竹寺

石郎義笠墓

馬姓

離垢園

陶莊

十丈蓮

古泗州城

獨角獸

三集目錄

卷一

先覺僧

華瘋子

補騙子十二則

某廣文

三官救劫

雷神

湯文正

卜者梁翁

小王子

卷二

科場五則

姚幕府

周封翁

陬邑官親

同胞三鼎甲

義貓

李老

丁養虛

阮封翁

趙甲

轉女為男二則

卷三

妓駕故誼

破鏡重圓

珠妓情殉

四川某賈軼事

記瘦腰生春粵妓事

崇川俠妓

治遊過故妻

阿韓傳

九月桃花記

記珠江韻事

得新忘舊

女仙降乩詞

船女奇緣

情死

記張素琴校書畢命

記錢姬假途脫籍事

記紫蓉女奇遇

記珠江才妓事

蚌精

品花賸語

李芸小紀

卷四

張少卿校書花燭詞

榕城生逸事

西冷太瘦生偶記

情種輕生

張少卿題虎阜寺

和張少卿女史

玉峰樵客遊虎阜

雙齡小傳

灤陽女子題壁詩

一度風流千貫錢

天緣巧合

珠江風月

記李三三逸事

姚倩卿小傳

鄭素琴小紀

馬雙珠小傳

胡寶玉小傳

夜雨秋燈錄卷一

天長宣 鼎瘦梅甫著

青天白日

浙人南宮認菴以字行。幼隨父璠宦於粵。清廉窘其素。母先逝。父繼卒。虧庫款。將繫獄。素諸叔壁幕於蘇。欲往依之。潛焚兩親骸以竹籠負之。徒步逸。餐風咽露。跋涉奔波。一載始抵尋。叔無耗時。蘇正歲歉。益困急。傾守囊錢。購半畝地瘞之。誌以碑。結茅若園。守其側。蓬頭垢面。淪入乞兒。膳飯殘羹。尚知薦祭。時年僅三五。性孝且慧。貌癯不枯。聞吳兒山歌。學之。即當伍氏簫。始免餒。朝討暮郭。倏忽三年。偶倚古寺門。向陽捫蝨。面即貴家園。時見美人樓上眺。頃一小鬟。艷年二八。出而反掩其門。行向西。忽伏草際。少時。整衣去。知為小遺。甫數步。即若有臘物墜地。軟無聲。呼告之。婢不覺。遂掩襟往覘。錦袱也。中裏金玉釵釧。珠寶零星。膝以魚。玉折作方勝。書云十郎哥哥足下。妹謬以陋質。獲配清芬。親上做親。幸中之幸。牽牛西北。一水盈盈。孔雀東南。雙聲隱隱。盟深金石。妹喜嫁得梁鴻。叔轉滄桑。即忽貧如司馬。然而鮑宣對挽鹿車。阮氏何嫌犢鼻。幸雞窗攻苦。卜鴻路飛騰。敢恕標梅。撫青春而未艾。惟祈折桂脫白袷。以來迎。逆知青眼頻更。紅絲欲斷。每聽孤語。似忽前度之冰。欲倩蜂媒。再接他家之酒。

心石堅而不轉。辭簪鼓而須防。若真挾瑟改絃。定彈黃鸝時。擬傳箋布意。恨少青鸞。小婢娟奴雖曰主僕。實同腹心。事已迫於燃眉。情實殷於刺目。遣尋一鴉。面展雙魚。奉上絨淚之句。斷腸之辭。宛轉十三行。預仿蘇娘織錦。附以纏臂之金。搔頭之玉。珍珠一百顆。聊為匡壁添光。不盡纏綿。泥中人再為嚔舌。未敢隕謝。鑒下材急不擇音。敢布愚忱。伏維憐鑒。某年月日。秦氏小妹貞璞。檢衽手肅。南驚讀一過。訖曰。險哉。東床落眦。富兒賴婚。鍾情者。越禮冒嫌。進療貧方。若為他人拾得。則婢固命盡。即迨迨牛女。亦復睽違。鵲橋無日矣。曷坐以覘之。少頃婢返。面色灰死。倉皇覓棒莽間。不得。仰天嘆曰。奴死不足惜。負主人託奈何。南笑曰。娘行失何物。值何言死。婢聞其言。有因。哀祈曰。好男子曾寓目否。曰。卿能明告我。或者璧能返也。曰。我秦氏婢娟奴。日伴女公子。主見婿家貧。欲改適。女公子日夜哭。妾憐之。請以粧臺中舊蓄者。約五百金。裹以鮫綃。附以雁字。親去作寄書郵。付於小檀郎。囑入都。謀戰捷。好親迎。墮其物。必洩其謀。烏能不悲。言已大慟。曰。然則將若何。曰。死耳。南探懷與之。曰。是耶非耶。婢見即伏地叩。南挽之。示殷勤。婢曰。子乞人。得暴富。棄之甘乎。妾將何以報。曰。報我不難。恐我之所易。子之所難也。我之所甘。子之所苦也。曰。試言之。曰。僕雖冠。猶童子身。子貌美極矣。未知能令我真個銷魂否。婢赧然。徐報曰。君姑待我行。行即來。婢齎金玉去。南亦僮僕出東郭。三日。

後偶經園外。遠聞鶯聲喚曰來乎。仰視之。婢也。笑而招以手。門者然開。南遽掩入。湖山石畔。芳草如茵。婢曰。以此聊報大德。可一不可再。南曰。諾。方將偃抱。見婢以紅羅蓋粉面。南笑曰。子秀色可餐。方欣飽看。博須臾歡。何吝而抑藏乎。抑嬌羞故態乎。婢以纖指向上曰。青天白日。不怕神明耶。南驚如棒喝。情魔潛遁。遽起曰。子畏神明。僕寧不畏乎。持竿攜籃。喃喃誦青。天白日四字。出門去。婢遙送致聲。君每日日中來。當分己食果。君腹南瞋目狂奔。亦不計園門。閉。否。明日市上行。有一相者。呼曰。丐者來。子卧驚下。何來此陰陽紋。應在三十六日。必有非常遇。曰。吾日唱蓮花求生活。免溝壑足矣。尚欲追蹤榮陽公子耶。曰。不然。驗當酬若干。曰。十千。誣則若何。曰。挾我雙眸子。曰。先生眸子危矣。至三十五日。丐如故。走告相者。曰。眸子權寄尊龐。一宵穩相者。又視之。拍掌曰。得矣。邊城紫氣透。當先得財。南曰。諾。明午步長街。忽有牽其裾者。呼曰。月兒耶。南頸有月牙痕。故小字月。視其人。鮮衣怒馬。貌若貴官。姑應曰。然。其人慘涕。曰。兒何至此。南驚憶曰。璧叔耶。曰。然。兒盡隨之歸寓。廬中起居華燦。叩阿嬌亦甚慰。因縷述顛末。哭失聲。叔曰。久謫爾父母。歿。特函詢無回字。乃在此耶。吾年老囊富。無子息。今得猶子。不愁繼續矣。立命婢媼。為更襁褓。且濯香泉。依舊翩翩。顏色煥發。婉述相士神。叔命以十千酬之。欲招致為叔鑑慈顏。不許。旬餘。忽以千金付之。曰。兒既廢讀。當學費。以齒揮解。

曰試為之。無不利。南東裝買。擢過江運白粳。大獲。明年今日歸省叔。至則門戶猶存。第主非是。詢居停。曰子去後。爾叔亦他徙。且不知徙何處。南茫茫無適。從因思江北新置宅。曷歸而偵訪。掃墓瞻仰。榜人頻催。腰纏餘五百金。即全購拍油。壓船渡後。北風怒號。江凍十日。不能解。拍油值頓昂。獲利可十倍。更於宅前設緞鋪。以三千金為母。招老成者四五輩。司出納。又一年。心不忘叔。一人渡江。搭散入船。中流風大作。浪如山。霹靂大震。同儕者十數人。咸見雲中現極大四金字。曰青天白日。筆畫分明。眾誦佛禳之。而字仍現。雷復鳴。船幾裂。眾急曰。上天已明示惡人。事各自省。無累他人。南挺身告眾曰。此僕隱事。誠不可以告人。敢相累乎。急向怒流。踴身投。昏懵中。抱得枯槎。聽其掀簸耳。聽雷雨驟下。火光竄。金蛇須臾。盡視此身如一點萍。乘萬里浪也。忽一官舫。鳴鑼挂帆來。呼曰。速救活抱槎人。賞十貫。旋來紅船。挈而登。官舫人非他叔也。互驚問。叔何處來。曰。吾移居通州。偶遊紫琅山耳。爾父母墓無恙。爾之心曲。吾已悉。娟奴已隨秦家女。適壻家。壻果貴。即迎娶。爾事緣未至。毋慄也。同之通寓。見孀安好。婢僕更多於蘇寓。不敢問。居二日。袖出小摺呈叔。此年來子金總目也。曰煩甚。曷携去。翌晨辭別。叔又贈以數百金。抵蘇訪娟。果如叔言。忽遇弄船人。驚曰。君尚生耶。若輩皆震死船覆。吾抱纜始免。頃泊此修治耳。南出資贈助之。即假館舟子家。偶倚白板閒眺。見一美人乘

香輿隨僕媼。復又一婢。乘下澤車。貌酷似娟。尾行三四里。至一尼菴。美人登殿。拜如來。僕媼
 憩遊廊。菴主獻香名。婢閒步。偶見南。目熒熒低喚曰。青天白日。南失聲曰。噫。娟娘耶。婢問何
 遽華潔。告以故。曰。鍾情者。尚戀舊耶。曰。中懷無一刻忘。曰。彼此有情。尚不諧姓氏。令人齒冷。
 又詳告之。旋聞內呼娟。美人偕去。南惆悵無聊。賴躑躑叢墓處。見一大塚。碑云。東浙寓公南
 宮諱璧。王人先生之墓。誌文詳叙夫妻同卒於蘇。死近五載。旅葬於此。以待猶子南宮認菴。
 他日尋覓。撰書者里。諸生郁昉。南讀畢大驚。回憶叔孀面目。不知此墓中人。何既同名。氏且
 猶子亦同名。必無是理。而竟有是事。歸訪文學士。知郁昉第。具冠投刺入拜。昉愕然曰。君頸
 有月牙痕乎。曰。然。曰。令尊叔甫生時。與先大夫莫逆交。先大夫逝。叔甫老伉儷亦相繼逝。易
 簀前數日。堅囑鄙人預後事。謀吉壤作墓誌。並囑君如回蘇。即為繼續。君從何知有僕。而惠
 然肯來耶。南以見墓誌對曰。幸不負先人遺命也。南慶額。以兩次遇叔告。求解惑。曰。令叔甫
 生習吐納。殁能解脫。如子言。其仙去乎。南遣人如通訪叔杳矣。遂移兩骨函。依叔墓。重墓。雙
 塚。峨峨加以封植。手自撰文。勒石紀事。昉視之喜曰。子尚能習舉子業。何自棄。蓋昉已前科
 北闕中經魁。因歎留教之讀。是秋回浙中。副車。昉開筵為賀。鼓吹大作。泥金署牆。把酒向南曰。
 君貴矣。芳年二十有一。尚欲歌朝飛雉耶。曰。弟有舊盟。癡心拱候耳。曰。愚兄代覓佳人。為君

權署縣君何如言未已即有婢媼扶一美人出與交拜南不知所措昉挽之拜兩行蓋燭送入洞房親為反扇雙闌臨去顧內曰今宵好報恩毋再怨我夫婦累汝漏靜揭巾微睨則紅粉露垂香肩玉削頗似娟亦低喚曰青天白日新人微舉曰悶葫蘆打破矣南聞之大喜始知尼寺美人即昉妻當日寄書人也夫貴娶已兩載極敦愛娟重見南始為貞述南來訪始末貞為昉述副車之中賴昉力資緣關節始獲雋其所以不即以娟與之者恐誤讀耳少頃入幃綢繆猶處子明日謝昉昉亦謝至是始道破昉曰君遇遺金不拾僕亦留金璧以待也從此秦越一家親愛如手足南旋即援例謁選官揚州司馬携娟娘去頗不自諱每謂僚佐曰不圖黃榜中亦有卑田院中乞兒也

懊儂氏曰昔披裘人云僕豈拾遺金者哉然高人遇之易乞人遇之不易至美色當前懸崖勒馬此等功夫尤不易偉哉南宮宜乎蒼蒼者報以厚德也吾願普天下男兒無論富貴貧賤當人人書青天白日四字於座右

銀鴈

江西某郡有地師杜君香草青鳥術最精嘗與富室兒李十九友善其父故杜為走山谷覓地草屨幾穿閱三載始得一穴沙水分明良為吉壤居邑之東山距李宅四十餘里山故幽僻

樹木葱龍遊者聽樵斧丁丁與巖寺午鐘相問答而西山居其前儼如屏障蒼翠溢眸杜得意非常告李曰此福地也令尊人古道為鄉里重居此諒無愧焉願公等更修德以培之則子孫貴真莫及不日杜為點穴李兄弟扶柩窆安事藏杜往浙應貴人聘厚贐遠行一別兩載詎茲後家道反不如前豐亡人口其兄李十八夫婦亦偕亡遺一嬌女名銀鴈彌留時殷殷以弱息相託泣曰吾夫婦他無所戀惟勞吾弟看顧銀鴈則瞑目泉臺下十九亦泣受遺言女年甫十四五風致袅娜不慣操作其婦翁氏黑心符也時於臺砧前嘗猶女懶惰久之遂信垢面蓬頭淪入赤脚女始伏枕上泣繼對木主啼婦怒施鞭撻女奔告叔反繫其手足而毒楚之諸婢環泣伏叩請代不許雪膚流血一綫僅延婦怒猶未已幸先隴隣舊老尼來為翁氏諷受生經急代緩頰始釋明夕婦欲禮佛索溫水盥手女誤以冷水進大怒欲答其背女懼奔投門外溪水見亡母冉冉自林中出悲告女曰兒無苦且隨老尼遁空門則生矣言已即杳女正慘痛忽聞門內喧嚷翁氏自批頰作亡母聲詈曰狗賤根何仇欲殺吾女十九奔入知為亡嫂怒婦惡代哀之即唾其面數責萬端急尋父得於門外謫覓死狀携入婦即抱女哭失聲旋又自擊以木杵搗陰戶血淋漓流出窮袴外禁制之力猛於虎一室大譁隣舍登牆窺難犬皆驚老尼素與銀母善合掌曰善哉善哉大娘何暴也老身為證囑渠改

過善視銀姑不許。早為銀姑覓佳壻不許。寄養戚里家仍不許。尼戲曰：無已，其將付老身携去。為弟子乎？婦聞即稽首拜曰：願以掌珍煩大師接引。問如願否？曰：願。十九知不相能，亦聽其出家。明日親送之菴。擬即削雲鬢，尼曰：尚早。瞑目坐蒲團，歛許。張目笑曰：漢水何妨？隨石轉。嶺雲更有出山時。十九臨去，謂女曰：兒有所需，可暗囑師父來取。毋輕陷不測也。女涕泣牽裾，尼大唱曰：痴兒既皈依三寶，尚作嬰兒戀乳狀耶？急送十九出，掩菴扉。由是掃地焚香，鍾魚梵唄，漸授以禪課焉。年餘，十九益困頓。戚屬咸云：坐新阡不利。有識者云：右沙太聳，即利亦只發女家。明年杜歸，目覩李之情狀，大驚。心亦疑殯宮風水，然晝則走山谷，夕則挑燈比對書冊，均無誤。終不識致困之原。一夕假歸家宿，夜夢天女至，烟鬟霧鬢，儀態萬方。告杜曰：汝亦知李墓不吉，所由來乎？吾山神也，特以詩句告汝。詩云：千里來龍結一匏，左根右葉長根苗。天生福人住福地，無愧惟有西山樵。杜心欲咨白，而天女遽作霹靂乘雲去。杜驚寤，急往西山，尋一泛常穴，為李遷葬。詭云：前穴地脈為山風吹破，不足寶也。暇則裹糧入西山，物色樵豎，匝月無一遇。一日暴雨至，視嶺右有衡茅數椽，急奔避。一婆婆老嫗，縷服出應客。堂上懸桐棺七尺，總帳淒然。云：伊黨砧亡，週七年。問有哲嗣否？云：僅一杜姓佛奴，其名蓋渠父夢佛而生者。因貧習樵採，日在東山雲深處。言已唏噓，向外翹首云：頃將遭雨，恐歸來又

似水淋雞。旋入以山茶炊餅餉杜。餐飲頗甘。須臾一少年荷樵冒雨歸。眉目端好。氣宇不凡。見客支揖如儒者。杜知是佛奴。自陳同姓。佛奴入與母言。少頃又出與為禮。如見長上。杜喜與閒話。辭均閑雅。無俚語。告嫗曰。文郎不俗。何不令讀書識字。嫗曰。兒幼曾就村館。渠父既歿。未亡人又衰邁。全賴是兒。斧柯供菽水。問佛奴年齒。則云十七。是夕即就地藉草止杜宿。晨起出腰金二兩。酬茶果費。嫗笑曰。母子雖貧。而非賣茶果者。矧同宗者耶。堅却不受。杜知不可強。後累過其廬。禮貌均不衰。一日見佛奴獲雙雉歸。烹而登盤。味極鮮美。盤有餘。收入供母。及偷瞰佛奴。則仍咽粗糲。杜大敬重。告嫗擬為佛奴覓佳耦。嫗喜曰。兒年已冠。得宗長作伐。大好事。但一貧如洗。誰肯以婦女嫁樵人子耶。問渠父可有墓地。曰野墓耳。免入漏澤國足矣。尚敢卜牛眠歟。曰不難。僕有吉壤奉贈。他日貴顯。幸無忘指引人。嫗敬謝稱善。杜向季十九索前地。云有遠族孤寡。請以所棄者與之。需值當不吝償。季慨然不吝。杜欲立券。季本擬以百金酬杜。至是遂立百金券。杜持往與嫗諏吉。佛奴集眾樵。舁父櫬詣墓穴。杜命劇五尺。無移舊穴。而深倍之。甫掘尺許。得一物。非土非石。狀類龜鼈背。有篆文曰。識者杜。莫者杜。宜子孫貴且富。鮮德之家。莫妄覬莫已。杜又遠行。佛奴仍習樵。每晨過父墓。輒見蒸騰如釜上氣。瞬居嚴寒。佛奴正凝望。忽白氣接凍雲。縷縷然漠漠然。落落然。雲時雨雪大至。衣

盡沾濡。知嶺下有尼菴可避。急趨叩關。適老尼打包出門去。遺銀鴈獨居繡佛龕。開門放入。見其寒戰。噤栗憐之。引投窻下。燃火烘溼衣。以師之布衲與己之紫布褲與之換。更炊豆粥與餐。戰始已。天霽衣乾。佛奴欲辭去。一轉瞬則他衣俱在。而己之布褲竟烏有。窮覓不見。女恐師回催促。且去。囑乘間寄褲來。慎勿屬師目。其母嗔其歸晏。具告所以。嫗心德女。視紫布果為女之衰衣。疑有染。叱責之。佛奴力白其無。明日。嫗親送褲與女。而老尼已歸。見而窮詰之。大怒云。清淨道場。淫婢何得污佛地。立命走出。嫗同女跪求不許。女對佛自誓。尼冷笑曰。佛遠在大西天。不似社稷神。管爾牙疼咒也。女憤欲自縊。解帶挂庭樹。嫗趨救。而尼猶怒。嫗亦怨曰。老禿厮乃徒以慈悲獲罪責。然則定逐伊何處去。尼曰。聽自便耳。嫗知女不願回俗家。曰。曷隨老身去。女猶躊躇。尼遽撫掌曰。妙哉妙哉。速去速去。立即驅出。掩雙扉。適杜正歸來看嫗。見嫗携女至。驚詢何來。詳告所以。女伏地涕泣。呼杜叔。杜喜曰。前云為佛即作冰者。即此女耳。此中有天緣。幸勿錯過。約畧告十九。即慨分遊囊。代謀花燭。俾合卺。小夫婦極伉儷。事母又至孝。嫗對女流涕曰。吾母子貧賈。未免苦新婦。女笑曰。兒昔遭孀苦虐。如活地獄。後入尼菴。已若安樂窩。頃得阿母與郎憐愛。更居天堂最上層。嫗為之解頤。每牧豕分即苦。嫗不忍。女曰。兒自樂為之。昔之牧豕迫威虐。今之牧豕由心願。何害。杜一日携白銀二錠。

來告嫗曰。毋令新娶婦添食指矣。明年秋。價必昂。請假此預收。林俾佛郎漸學。權子母三却而後受。是欠銀鴈。牧豕回見嫗。以銀示佛奴。曰。是區區者。亦猶之銅鐵耳。奈何有則生。無則死不令人短氣耶。女索視。擲案上。曰。是何足貴。兒牧豕走礪曲。見水底疊疊者。皆是也。明當懷數枚歸而奉母。嫗笑曰。癡妮子。誤以鵝卵石為銀耶。明日。女果懷數枚至。外雖花繡黝然。就石磨礮。光可鑑影。大驚喜。問多寡。云遍礪底。皆是。佛奴趨詣村市。詢於人曰。此古人窖藏物也。歸與母計。晨起。隨女之礪曲。見流水潺潺。下皆卵石。惟自女手掬起。則立成朱提。始猶以布袋運。繼因誤墮一錠。牧豎拾之。笑問母子劬勞大辛苦。運蠢物何用。然一入牧豎手。則仍化為石。由是膽大壯。居然筐載而肩荷之。匝月往返。始竭屋角堆滿。無寸隙。佛奴掘深窖藏之。統計約有廿餘萬。會入城買甲馬。酬藏神。晤杜。即邀致詳告之。且分贈。杜不受。急代購郭市膏腴。建第宅。阡陌樓臺。奴僕車馬。成大家矣。明年。女又孿生雙子。曰鴻。曰鸞。均穎慧。能讀。總角即遊庠序。佛奴亦納粟為員外郎。為太母請封誥。每稱觴介眉壽。太母輒云。兒孫雖千百年。不可忘宗人香草先生德。久之。延於家事之若伯叔云。會清明。夫妻佩紵掃父墓。幹僕夾道。婢妾如雲。忽一窮漢號哭奔至。崩角乞援。倏一保正執牛鞭來擒捉。佛奴憐訊之。云此小竊屢犯者。是必敲斷脛股。員外郎莫袒庇。女聞聲。牽車簾視其人。非他李十九也。問何

至此自云家業盡傾。惡婦隨奴子過。席捲燼餘。孑然一身。時就野廟宿。寔未曾作穿窬也。言已大哭。女亦悲涕。佛奴笑遣里正去。携歸事以泰山禮。李踟躕不敢當。及杜香草出與話。舊更慙。堅欲辭去。遂贈以婢。且與數百金。俾理舊業焉。明年。二子均鄉捷。太母正八十壽。賓客滿堂。祝千秋。忽庵內小尼云。奉師命。堅請銀夫人隨喜。且以舊犢鼻絨寄。云此杜郎舊物也。佛奴欲辭却。女不可。珠翠肩輿往。至則老尼已沐浴更衣。瞑目將就涅盤。女哀哀喚。魁尼目復啟。笑曰。兒果榮貴。則他日遣逐。不以老比丘為太過耶。女泣曰。法師生死人而肉白骨。何敢忘德。曰。不足言德。惟可以對令先慈於地下耳。言已圓寂。女出資為尼新院宇。置沃產。建藏骨浮圖於庵側。其位為先隴之良方。狀尖聳如劍戟。工竣。杜視之笑曰。後世子孫中。更當得一武鼎甲。已而果驗。

余在滋陽。聽浙人孫君子任所述者。

懷懷氏曰。馬鬣牛眠。賢豪蛻骨。自古山靈面目。何嘗輕易示人。惟礪底疊疊。百萬朱提。專留與賢孝之婦。如我銀娘者。則銅臭之神。又何嘗毫無知識。專與牧豎子為伍哉。嘗見席豐履厚之家。其德其才。絕不稱是。蓋其祖德宗功。必有大過人處。噫。此其所以為神也。

王大姑